

治準繩第六冊目錄

大小腑門

泄瀉滯下總論

泄瀉

滯下

即痢疾

大小便不通

大便不通

閉癰遺尿總論

小便不通

淋

胞痺

小便數

小便不禁

小便黃赤

遺精

赤白濁

前陰諸疾

陰縮
陰汗
陰吹

陰縱
陰臭
陰冷

陰痿
陰痒

陰腫痛

疝

交腸

腸鳴

脫肛

穀道痒痛

痔

證治準繩第六冊

金壇王肯堂輯

泄瀉滯下總論

泄瀉之證水穀或化或不化並無努責惟覺困倦若滯下則不化或膿或血或膿血相雜或腸垢或無糟粕或糟粕相雜雖有瘳不痛之異然皆裡急後重逼迫惱人

潔古論曰藏府瀉利其證多種大抵從風濕熱論之是知寒少熱多寒則不能久也故曰暴泄

非陰久泄非陽論云春宜緩形形緩動則肝木
乃榮反靜密則是行欲令金能制木風氣內藏
夏至則火盛而金去獨火木旺而脾土損矣輕
則餐泄身熱脉洪發不能化重則下利膿血稠
粘裏急後重故曰諸泄稠粘皆屬於火經曰澀
而便膿血知氣行而血止也宜大黃湯下之是
爲重劑黃芩芍藥湯是爲輕劑是實則泄其子
火能自虛而脾土實矣故經曰春傷於風夏爲
餐泄此逆四時之氣人所自爲也

此二管熱泄
所謂滯下也

有自太陰脾經受濕而爲水泄虛滑身重微滿
不知穀味假令春宜益黃散補之夏宜泄之法
云宜補宜泄宜和宜止和則芍藥湯止則訶子
湯久則防變而爲膿血是脾經傳受於腎謂之
賊邪故難愈也若先利而後滑謂之微邪故易
安也此皆脾土受濕天之所爲也雖聖智不能
逃口食味鼻食氣從鼻而入留積於脾而爲水
泄也此一等濕泄所謂泄也有厥陰經動下利不止其脉
沉而遲手足厥逆膿血稠粘此爲難治宜麻黃

湯小續命湯汗之法云謂有表邪縮於內當散

表邪而自愈

此二篇風濕所謂大正也

有暴下無聲身冷自

汗小便清利大便不禁氣難布息脉微嘔吐急

以重藥溫之漿水散是也

此一篇寒泄所謂暴泄也

故法曰

後重者宜下腹痛者宜和身重者宜除濕脉弦

者去風膿血稠粘者以重藥竭之身冷自汗者

以毒藥溫之風邪內縮者宜汗之則愈驚澹爲

利宜溫之而已又曰在表者發之在裏者下之

在上者湧之在下者竭之身表熱者內疎之小

便澀者分利之又曰盛者和之去者送之過者
止之兵法曰避其來銳擊其惰歸此之謂也
凡病泄而惡寒太陰傳少陰爲土來尅水也用
除濕白朮茯苓安脾芍藥桂枝黃連破血火邪
不能勝水太陰經不能傳少陰而反助火邪上
乘肺經而痢必白膿也加當歸芍藥之類是已
又裏急後重脉大而洪實爲裏實證而痛甚
是有物結墜也宜下之若脉浮大慎不可下
雖一急後重脉沉細而弱者謂寒邪在內而氣

散也可溫養而自安 裏急後重閉者大腸氣
不宣通也宜加檳榔木香宣通其氣若四肢倦
倦小便少或不利大便走沉困飲食減少宜調
胃去濕白朮芍藥茯苓三味水煎服白朮除脾
胃之濕芍藥除胃之濕熱四肢困倦茯苓能通
水道走濕 如發熱惡寒腹不痛加黃芩爲主
如未見膿而惡寒乃太陰欲傳少陰也加黃連
爲主桂枝佐之如腹痛甚加當歸倍芍藥如見
血加黃連爲主桂枝當歸佐之 如煩燥或无

便白膿後血或發熱或惡寒非黃連不能止上部血也如惡寒脉沉先血後便非地榆不能除下部血也如惡寒脉沉或腰痛或臍下痛非黃芩不能除中部血也如便膿血相雜而脉浮大慎勿以大黃下之下之必死謂氣下竭也而陽無所收凡陰陽不和惟以分陰陽之法治之又曰暴泄非陰久泄非陽有熱者脉疾身動聲亮暴注下迫此陽也寒者脉沉而細身困鼻息微者薑附湯主之身重不舉朮附湯主之渴

引飲者是熱在膈上水多入則自胸膈入胃中
胃本無熱因不勝其水胃受水攻故水穀一時
下此證當灸大椎三五壯立已乃督脉瀉也如
用藥使車前子雷丸白朮茯苓之類五苓散亦
可 又有寒泄并小腹滿而泄又有驚漉者是
寒泄也驚者鴨也大便如水其中有少結糞者
是也如此者當用天麻附子乾薑之類 又法
曰泄有虛實寒熱虛則無力不及拈衣未便已
泄出謂不能禁固也實則數至圉而不便俗云

虛坐努責是也裏急後重皆依前法進退大承

氣湯主之 太陽病為挾熱痢涼膈散主之

表證

誤下因而下利不止為挾熱利

陽明為痢瘕進退大承氣湯

主之 太陰濕勝濡瀉不可下而可溫四逆湯

主之 少陰蟄風不動禁固可瀉赤石脂丸乾

薑湯主之 厥陰風泄以風治宜小續命湯消

風湯主之 少陽風氣自動大柴胡湯主之

胃泄飲食不化色黃

承氣湯

脾泄腹脹滿泄注

食即嘔吐逆

建中湯

大腸泄食已窘迫大便

色白腸鳴切痛

乾薑湯

小腸泄瀉而便膿血

少腹痛

承氣湯

大瘕泄裏急後重數至圜而不

能便莖中痛

五泄之病胃小腸大瘕三證皆

以清涼飲子主之其泄自止厥陰證加甘草以

緩之少陰證裏急後重加大黃又有太陰陽明

二證當進退入承氣湯主之太陰證不能食是

也當先補而後泄之乃進藥法也先煎厚朴半

兩製水煎二三服後未已謂有宿食未消又加

枳實二錢同煎二三服泄又未已如稍進食前

有熱毒又加大黃二錢推過泄止住藥如泄未
已爲腸胃有久塵垢滑粘加芒硝半合宿垢去
盡則愈也陽明證能食是也當先泄而後補謂
退藥法也先用大承氣湯五錢水煎服如利過
泄未止去芒硝後稍熱退減大黃一半再煎兩
服如熱氣雖已其人必腹滿又減去大黃與枳
實厚朴湯又煎三兩服如腹滿退泄亦自愈後
服厚朴湯數服則已按進退承氣法須審之
脉證的知有積熱及形病俱實而後可下此已

上雖出潔古家珍東垣活法機要而多出於劉
河間保命集之文故其用藥於疎蕩爲多觀者
會其意毋泥其辭可矣 東垣云胃氣和平飲
食入胃精氣則輸於脾上歸於肺行於百脉而
養榮衛也若飲食一傷起居不時損其胃氣則
上升精華之氣反下降是爲餐泄久則太陰傳
少陰而爲腸澼假令傷寒冷飲食脹滿而脹傳
爲餐泄者宜溫熱之劑以消導之傷濕熱之物
而成膿血者宜苦寒之劑以內疎之風邪下陷

者升舉之濕氣內盛者分利之裏急者下之後
重者調之腹痛者和之洞泄腸鳴無力不及拈
衣其脉細微而弱者溫之收之膿血稠粘數至
圓而不能便其脉洪大而有力者下之寒之大
抵治病當求其所因察何氣之勝取相尅之藥
平之隨其所利而利之以平爲期此治之大法
也瀉利久不止或暴下者皆太陰受病不可
離甘草芍藥若不受濕則不利故須用白朮是
以聖人立法若四時下利於芍藥白朮內春加

防風夏加黃芩秋加厚朴冬加桂附然更詳外
證寒熱處之如裏急後重須加大黃如身困倦
須用白朮若自汗逆冷氣息微加桂附以溫之
如或後重膿血稠粘雖在盛冬於溫藥內亦加
大黃！

診

胃脉虛則泄 脉滑按之虛絕者其人必

下利

肺脉小甚爲泄

小者氣血皆虛

腎脉小甚爲

洞泄

小者氣血皆少腎主閉藏今

尺寒脉細

謂之後泄

尺膚寒其脉小者泄少氣

下利